




Union Patriotico Progresista – Brazil 163 – Aruba - E-mail: upp.unista@gmail.com

DLV #914

Na Parlamento di Aruba
p.m.d. Presidente di Parlamento
Mr. A. Thijsen
Presente.

Oranjestad, 14 di februari 2020



Respetable sr. Thijsen y demas miembronan di Parlamento,

Manera ta conoci riba 14 di oktober 2019 partido UPP a manda un carta pa Parlamento, na momento cu a bay trata e cambio di Ley di Serlimar di 2005, expresando asina nos opinion tocante henter e desaroyo riba e tereno di e maneho di desperdicio aki na Aruba y e problematica di dump.

Mirando e hecho, cu despues cu e reunion di oktober aña pasa a wordo suspendi y cu tur indicacion ta cu awor lo continua cu e reunion, UPP ta bolbe acerca su persona cu lo siguiente.

Via varios comunicadonan nos a duna nos punto di bista caba riba e cambio di ley proponi. Nos ta keda para ariba cu e cambionan proponi NO ta na bienestar NI di Serlimar NI di Aruba, pero mas bien ta nifica e.o. mas medida y alabes ta pa legalisa actonan ilegal c.q. corruptivo di ex-minister Otmar Oduber. Crioyamente bisá, lo kier "laba cabez di sr. Otmar Oduber, mescos cu a sosode tempo di ex-minister Paul Croes.

Kico nos ta referi aki na dje, esta di haci un acto ilegal, legal? Nos ta referi aki na e hecho cu articulo 1b di e cambionan proponi ta haci kimamento di "sludge" un tarea di Serlimar, siendo cu dia a firma pa fix e sponsor e proyecto aki, kimamento di "sludge" NO tabata tarea di Serlimar pero di DOW.

Alabes UPP ta di opinion cu e ley aki no ta wordo huzga riba su "merites", pero mas bien ta sirbi como un obheto di cambio (ruilhandel), esta cu ta legalisa cannabis medicinal pa e miembro di RED vota na favor di e ley aki sin debido discusion al respecto. Un ley cu for di un principio nos a cualifica como un ley hopi mediocre y cu a wordo traha via "natte vingerwerk"! UPP ta kere cu no por trata e ley aki tanten cu e denuncia cu como ciudadano mi a entrega riba dia 2 di december na Ministerio Publico contra ex-minister Otmar Oduber, wordo trata. Huzgamento di un ley ta mas cu simpelmente hiba un pensamiento di "CANI MI, PAMI CANI BO" y/of conta cabez.

Progreso pa Aruba!

Ta p'ese y UPP ta haci un apelacion na consenshi di e miembronan di e organo mas halto, cu ta nos Parlamento, pa NO bai over na trata e ley aki. Tin hopi cos a bai robes cu ta muestra cu tabata tin hopi corrupcion y derochamento di placa y si no garantiza cu lo bin un cambio drastico den e maneho corruptivo y ad hoc, y esaki por ser hasi solamente despues cu bin un investigacion financiero y forensico den Serlimar, e "bulldozing" di e ley lo nifica cu lo "dweil met de kraan open" y e fiesta lo sigui. Tanten cu esaki no sosode Parlamento lo ta complice den bagamunderianan aki.

Nos a tuma nota tambe di un declaracion di e miembro di Parlamento sr. Alan Howell cu ta preocupa nos mas, pasobra ta obvio cu un mayoria minimo lo ta cla pa "BULLDOZE" e cambionan aki. Esaki a induci UPP pa tuma e desicion pa haci entrega di TUR e documentonan cu ex-minister Otmar Oduber a entrega UPP, na Parlamento. Documentonan cu Parlamento a haya ter inzage pa un rato den e ordener geel, y cu mi UPP mester a pasa e trayectoria di LAR pa hayanan. Manera nos a bisa na varios ocasion nos ta convenci cu tin mas documentonan riba e corrupcion den e otorgamento di e proyecto di e incinerator chikito cu lo por ilustra mas cla cuanto corrupcion y privilegiamento tabata tin. Particularmente e correspondencia interno di DOW pero tambe entre e "handpicked" director cu a ser colga, siendo cu no ta e so ta culpabel.

Adhunto nos ta encera nos denuncia oficial y un usb-stick cu tur e documentonan y un "ongecorrigeerde samenvatting" cu nos tin den nos poder. Nos ta suplica cada un parlamentario pa tuma nan tempo pa pasa den e documentonan y nos ta convenci cu si tin Aruba na pecho e ley aki hamas lo por haya un mayoria.

Aparte di e caso aki di e incinerator chikito, tin varios otro asunto cu ta cay bou di e categoria di corrupcion c.q. mal gobernacion, manera e.o. e contracto na Sero Teishi na un sponsor, e hurmento di e edificio for di un otro sponsor/doing, otorgamento di un contracto na un compania di siguridad na un miembro di POR sin un destaho publico etc etc. Y ta casonan cu nos ta kere cu tambe mester wordo scrutina y asina crea e transparencia necesario pa pueblo sa kico a bin ta pasando cu un compania estatal. Awor ta e momento pa Parlamento demonstra cu esaki no ta un otro Parlamento pero un Parlamento "otro"!

Nos por a scuch con ta bisa cu ta necesario pa trata e rapport di ARA riba e asina yama "Bo Aruba", y ta bisa cu e pueblo mester lanta for di soño na bienestar di e mesun pueblo. Den e caso aki nos por bisa cu UPP a haci un research ya a yega na e conclusion cu asina nos no por sigui na Aruba. Y manera parlamentario Vrolijk a bisa, cu si no cambia e rumbo, cosnan lo sigui bay robes.


E documentonan cu UPP ta entrega aki NO ta "fake", sino ta documentonan oficial ricibi for di e ex-minister "himsel" despues cu UPP a logra haya esakinan via un caso den LAR. Hunto cu e otro documentonan riba e otro casonan ariba menciona, no por yega na otro conclusion cu mester laga ARA haci un investigacion necesario, prome cu sigui cu e reunion.

Progreso pa Aruba!

Nos lo manda copia di e carta aki pa Minister Presidente, ARA y CAFT., pa mayan ningun hende no bin bisa cu nan no sa di e bagamunderia di e.o. e incinerator chikito cu ta e "ijsberg"!!

Sperando cu Parlamentop haci trabou di esaki y no bolbe cay den mesun rumbo cu tabata e caso den pasado, nos ta keda.

Atentamente



Denomber di UPP

drs. C.A.S.D Wever (lider)

Brazil 163.

tel: 5842892(cas) y 5932287(celular.)

Bilaga: 6

Progreso pa Aruba!